


# Engira Ekutuusa ewa Katonda





© 2011 World Missionary Press, Inc., Rose Stair Goodman, author. Cover art, Edwin B. Wallace.  
Meryl Esenwein art above and on pages 10, 12, 14, 16, 27, 29, 39, 41, 42, 44, 46, 47, and 48.  
Scripture taken from the Bible in Lusoga published as BAIBULI Ekibono kya Katonda, © The Bible Society of Uganda, 2014.

# **KATONDA YATONDA ENSI YAIFE NABULI KIISI KINTU KIRAMU**

1

**Mu kwinhama Katonda yatonda eigulu n'ensi.**

—Amainhama 1:1

**Mu oyo ebintu byonabyona mwe byatonderwa: Ebiri  
mu igulu, ebiri mu nsi, ebiboneka, n'ebitaboneka.**

—Ab'e Kolosai 1:16

**Musengwa Katonda oyo eyakola eigulu n'ensi aba-  
ghenga enkabi. Musengwa Katonda ni mwene igulu, aye  
ensi yagigha abantu.**

—Zabbuli 115:15, 16

Ensi yali etuukiriire Katonda ghe yaghigeera omuntu.  
Soma akatabo kano ozuule biki ebyaligho.

## KATONDA YATUTONDA



**Agho Katonda yaakoba ati:** “Tukole abantu mu mboneka yaife nga bafaanana ng’oti niife, bafugenga ebyenhandha, n’enhonhi, n’ensolo enfuge n’edh’omu nsiko, era na kiisi kyeghaluliza ku itaka.” —Amainhama 1:26

## **OMUNTU YAFUUKA OMWOYO' MULAMU 3**

**Agho Musengwa Katonda yaawumba omuntu mu itaka, yaamufuuwa mu nhindo omuuka ogw'obulamu olwo omuntu yaatoolera okuba omulamu\*.**

—Amainhama 2:7

Musengwa Katonda yaakoba ati: “Ti kirungi omuntu okubanga yenka. Ndidha kumukolerayo omubeezi amugwanira.” Agho Musengwa Katonda yaaleetera omuntu endoolo enhingi einho era bweyali ng'atendwike, yaamutoolamu olubavu lulala yaizaagho emamba mu kifo kyalwo. **Yalukolamu omukazi, era yaamuleeta eri omuntu.**

—Amainhama 2:18, 21, 22

\*Omwoyo omulamu kitegeza nti tulini yetuliba ebyanda n'ebyanda.

## 4 ADAM NI EVE BADHEEMERA KATONDA



Titutekeirwa kuwuliriza iroboozzi lya Sitaani.

**Musengwa Katonda yaatoola omuntu, yaamuta 5  
mu nimo ey'e Edeni, agirimenga era agirabirirenga.  
Yaamukoba ati: "Oli wa idembe okulya ekibala kyon  
nakyona ekya kiisi muti oguli mu nimo. Aye otalyanga ku  
kibala kya ku muti ogw'okumanha obulungi n'obubi, kuba  
olunaku Iwene Iw'olikirya, olifa." —Amainhama 2:15-17**

**OMUSOTA, GWONA OGWEDEBWA OMULABE OBA  
SITANI, GWABUUZA OBUYIINZA BWA KATONDA ERA  
GWAKOBA OBULIMBA.**

**Aye omusota gwakoba guti: "Busa naire! Timwidha  
kuwa." Omukazi yaabona ng'omuti gusanhusa amaiso  
era nga mulungi okulyaku, era yaagwegomba olw'a-  
mägezi ge gwali guja okubaleetera. Agho yaanoga ku  
bibala byagwo yaalya, era yaagha ni ku musaadha we,  
yeena yaalya. —Amainhama 3:4, 6**

## 6 ADAM NI EVE BAALI TIBAKAGHANGA KUBA MUNIMIRO



Kale Musengwa Katonda yaamutoola mu nimiro ey'e Edeni, alimenga eitaka mwe yakolebwa, yaamubingira kuliya. Ku luuyi olw'enimiro olw'e buvandhuba yataayo ... n'empiuma eyaka, era ng'ekyukira ku ndhuyi dhoona-dhoona okukuumanga engira eja ku muti ogw'obulamu.

—Amainhama 3:23, 24

# LWALI LUNAKU LWA KUNOLWA NGA ADAM NI EVE BONOINE

7



**Ng'ekibi bwe kyaidha mu nsi olw'omuntu omulala ni  
kireeta okufa, okufa kwabuna abantu boonaboona kuba  
baayonoona.**

—Ab'e Roma 5:12

## **Ekintu eky'okwidhukira**

**Buli kiisi muntu azalibwa n'ekibi eky'obutondhe era  
luliba olwo yaffa kubanga kwaidha lwa kibi.** (Soma Ab'e  
Roma 5:12.)

## **8 ENTEGEKA YA KATONDA OKUTUNUNULA OKUVA MUKIBI KWALI KUGHEREZA MWANA GHE OWO'BULENZI YENKA**



Okwingira mukikula kyo' muntu,  
omwana wa Katonda yali n'okwiidha  
nga omwana w'omuntu.

**Kuba mu Kurisito n'omuli Obwakatonda bwonabwona  
mu buntu.**

**“Aidha kuzaala omwana  
wa bulenzi, era oidha  
kumutuumma eriina lya  
Yesu, kuba n'oyo aliro-  
kola abantu mu bibi  
byaibwe.” —Matayo 1:21**

**—Ab'e Kolosai 2:9**

## **YESU NI KATONDA— MU MBONEKA Y'OMUNTU**

**9**

**Mu kwinhama kwa byonabyona Kibono yali ng'aligho era  
Kibono ng'aba ghalala ni Katonda era Kibono nga ni Katonda.  
Kibono yaafuuka omuntu yaaba mu ife ng'aidhwire ekisa  
n'amazima.**

—Yoanne 1:1, 14

**Bino byonabyona byaligho okutuukiriza Musengwa kye  
yayogerera mu mulanzi ati: “Bona, omughala omwegha aja  
kutoola enda azaale omwana wa bulenzi, era eriina balimweta  
Emmanueli”, ekitegeeza kitit: “Katonda ali n'ife.”**

—Matayo 1:22, 23

**Kuba ife omwana atuzaaliirwa, omwana omulenzi  
atugheereibwa, aidha okubanga omufuzi waife. Aidha  
kwetebwanga “Omuwi w'Amagezi Eyeewuunhisa, Katonda  
ow'Obuyinza, Iseife aligho ebyanda n'ebyanda, Omulangira  
Aleeta Emiraala”.**

—Isaia 9:6

# YESU KURISITO— EKIWEBWAYO KYAFFE EKITUKIRIVU

**Kurisito tiyali na kibi, aye ku Iwaife Katonda yamutaaku ebibi byaife.**



—2 Ab'e Korintho 5:21

**Mpaagho kibi kye yakola.**

—1 Petero 2:22

Ghazira kiwebwayo Omuntu  
kyा ghanga kukola ekyatukirivu  
ekimala kutolawo kibi.

**Kuba omusaayi gw'ente enum  
n'ogw'embuzi tigusobola kutoo-  
lagho bibi.** —Abaheburayi 10:4

Yesu nakaliga ka Katonda. “**Mubone Entaama Ento eya  
Katonda etoolagho ebibi eby'ensi!**” —Yoanne 1:29

# **YESU YAGHAYO OBULAMU BWE OKUNHUNHULA IFE**

**11**

Yesu yakomererwa ku kiti eky' omusalaba olwa' bantu abakambwe olwo' kwenda kwe. Yaisa ghansi obulamu bwe asobole okunhunhula nzeniwe abaamukyaagha. Aye okuffa kwe yali ntegeka yakatonda. Yesu okuva mu kibi.

**Yesu yakoba, “Ezira abuntoolaku, ninze mwene mbughaayo ku Iwange. Ndi n'obukumu okubughaayo ate kabiri naaba n'obukumu okubweiriza.”**

—Yoanne 10:18

## **TUNHUNHULIBWA OLW'OMUSAYI GW'AKATAMA KA KATONDA**

Mwidhi bukalamu nga ekyabaleetera okununulwa mu mpisa dhaimwe edhiziramu dhe mwatoola ku badhaadha baimwe.... Kyali omusaayi gwa Kurisito ogw'omughendo einho, ali ng'oti n'entaa ma ento eziraku kamogo waire kimyamya.

—1 Petero 1:18, 19

## **GAZIRA SAADAKA EYINZA KUTOOLAGHO KIBI**

Twatukuzibwa, kuba Yesu Kurisito yakola ekyo Katonda kye yayne-nda bwe yaghaayo omubiri gwe omukuzi omulala guti nga gumala.


—Abaheburayi 10:10

**12** Mperaano nga bwe tubalibwa okuba abatuukirivu olw'okufa kwe,  
tuja kulokolebwa tuwone obusungu bwa Katonda. —Ab'e Roma 5:9

**“Ondidhukiranga ng'otuuse  
mu Bwakyabazinga bwo.”**

—Luka 23:42

Ono  
omwibi  
yaikiriza  
Yesu era  
yalokole-  
bwa.



**“Bwenebwene  
ka nkukobere:  
Olwa leero  
oidha kuba  
ninze mu kifo  
eky'okwesiima.”**

—Luka 23:43



Ono  
omwibi  
tiyaikiriza  
Yesu, kale  
tiyalokole-  
bwa.

**Kuba bwe twali nga tukaali mu bibi byaife, Kurisito yatufiirira.**

—Ab'e Roma 5:8

## **BULI KIISI EIKIRIZA MU MWANA GHA 13 KATONDA ALINA OBULAMU**

**“Atyo Katonda bwe yagonza abantu ab'oku nsi,  
yaaghaayo Omwana we omulala bedenge-  
denge kiisi amwikiriza alobe kuzikirira  
aye afune obulamu obutawaagho.”**

—Yoanne 3:16

**Yatutoola mu bufuge obw'ekizikiiza yaatwiza mu  
Bwakyabazinga obw'Omwana we omugonzi. Mu  
oyo mwe tufunira okununulibwa\* era n'okusoniyi-  
bwa ebibi.**

—Ab'e Kolosai 1:13, 14

\*Okununula kitegeza nti yatugula.

## "MWENE AZUUKIRE!"



**Malaika yaakoba  
abakazi ati: "Mutatya,  
kuba ndidhi muli  
kwagala Yesu  
eyakomererwa ku  
musalaba. Muno  
aziramu kuba  
azuukire nga bwe  
yakoba. Mwidhe  
mubone ekifo ghe  
yabaire ateereibwa."**

—Matayo 28:5, 6

# **YESU YAVAAYO MUBAFFU**

**15**

**“Ate era omulamu. Nali nfiire, aye mperaano ndi mulamu ebyanda n’ebianda, era nfuga okufa n’amagombe.”** —Okwolekebwa 1:18

**“Olw’okuba nze ndi mulamu, mwena mwidha kubanga balamu.”** —Yoanne 14:19

Kubanga Kurisito aghangwire okufa era n’ebisumuluzo ebyokufa, titwetaga kutya kufa.

**Wo Musengwa Katonda iwe Aghanga ebintu byonabyona, ni bwemba nga ntiire inho, obwesige bwange bundi mu iwe.**

—Zabbuli 56:3

(Bona olupapulo 46 olw’ Obwesige bya Katonda.)

## **YESU ASOBOLA OKUKULOKOLA ERA ALI KU KUSABIRA**

Aye Yesu mulamu, taja kufa era aba kabona ebyanda n’ebianda. Era olw’ensonga eno, kyava asobola okulokolera irala ekiseera kyonakyona abo abaidha ye Katonda nga babita mu mwene, kuba mulamu enaku dhoonadhoona okuboogererayo.

—Abaheburayi 7:24, 25

# IWE NI NZE TUSOBOLA OKUBA N'OBULAMU OBUTAGHAGHO



**Ngira ki gyoli kugya  
nayo?**

Yesu Kurisito N'ENGIRA  
ekutwala mu BULAMU  
obutaghagho ni Katonda.

Omulabe (Sitaani)  
n'engira ekutwala mu  
KUFA okw' ebyanda  
n'ebyanda.

Omulenzi ono akola okusalagho okutufu okw' obulamu obutaghagho.

# KUSALAGHO KI KW'OGYA OKUKOLA? 17

**“...musalegho olwaleero luno ye munaagheereza-nga....”** —Yoshua 24:15

**“Kale ni mulondegho obulamu, mughange okubanga abalamu n'eizaire lyaimwe.”** —Amateeka Agokubiri 30:19

## YESU N'ENGIRA EKUTUUSA MU BULAMU OBUTAGHAGHO

**“Okulokolebwa kufunirwa mu oyo yenka, ghazira wundi asobola kulokolerwamu, kuba naire mu maina agagheebwa abantu ghansi gh'eigulu, ghazira lye tusobola kulokolerwamu.”** —Ebikolwa 4:12

**“Nze zenka, ninze Musengwa Katonda, era nze zenka, ninze omulokozi waimwe.”** —Isaia 43:11

## 18 KULWAKI TULINA OKULONDA YESU SINGA TWENDA OBULAMU OBUTAGHAGHO



**1. Yali Kurisito eyaidha.**

**“...Nze naidha dhibe n'obulamu  
ate nga bwa mwero.”**

—Yoanne 10:10

**2. Yali Kurisito eya twenda era  
natufirira (naffa kulwaiffe).**

**Mwana wa Katonda eyangonza  
n'aghaayo obulamu bwe ku  
lwange.** —Ab'e Galatia 2:20

Yesu yafuuka omuntu, omubiri  
era omusayi nga iffe, “**Yakola atyo**

**asobole okufa, era ng'abita mu kufa kwe azikirize 19  
Sitaani, ali n'obukumu ku kufa. Olwo awonie abo,  
entiisa ey'okufa be yali egemereire ng'abairu obulamu  
bwaibwe bwonabwona.” —Abaheburayi 2:14, 15**

**3. *Omusayi gwa Yesu gwonka n'ogutunhunhula  
mu bibi byaiffe.***

**“Omusaayi, n'obulamu, era n'ogutoolagho ebibi.”**

—Abalevi 17:11

**Tuba twisania ife beene na beene era n'omusaayi gwa  
Yesu Omwana we gutunaazaku ebibi byonabyona.**

—1 Yoanne 1:7

**Mu oyo mwe tufunira okununulibwa [obulokozi] era  
n'okusoniyibwa ebibi.**

—Ab'e Kolosai 1:14



**4. *Yali Kurisito eyazuukira okuva mu baffu.***

**Kuba twidhi tuti nga Kurisito bwe yazuukira mu baffu taja kufa kabiri, okufa [kufuga] tikukaamufuga.**

—Ab'e Roma 6:9

**Yafiirira boonaboona, olwo abalamu babe nga tiba-kaali balamu ku Iwaibwe, aye babenga balamu ku lulwe oyo eyabafiirira era n'azuukizibwa.**

—2 Ab'e Korintho 5:15

**Yesu yakoba, “Olw'okuba nze ndi mulamu, mwena mwidha kubanga balamu.”**

—Yoanne 14:19

**5. Tulin'okuba n'omwoyo wa Kurisito mwiffe 21  
tusobola okusitulibwa mu bulamu obutaghagho  
(okughangala ebyanda n'ebyanda).**

**Ekyama ekyo ni Kurisito ali mu imwe era eisuubi  
ery'ekitiisa ekiri kwidha.** —Ab'e Kolosai 1:27

**Oba nga Mwoyo wa Katonda eyazuukiza Yesu ali  
mu imwe, kale oyo eyazuukiza Kurisito Yesu, emibiri  
gyaimwe egifa gyona aligigha obulamu ku bwa Mwoyo  
we ali mu imwe.** —Ab'e Roma 8:11

### **FUBA INHO OBONE NGA MWOYO WA KURISITO ABA MWIGHE**

**Kiisi azira Mwoyo wa Kurisito ti wa Kurisito.**

—Ab'e Roma 8:9

## 22 YESU AYENDA ABAANA BOONABOONA



Agho yaalera  
abaana yaaba-  
gha omukisa  
ng'abaisaaku  
emikono.

—Mariko 10:16

“Yesu anendha, kino nkidhi, kuba Baibuli enkoba etyo.”

**Aye Yesu yaabeeta yaabakoba ati: “Muleke abaa-na abato baidhe ye ndi mutabalobera kuba abali oti n'abo ni beene Bwakyabazinga bwa Katonda.”**

—Luka 18:16

**“Atyo ni, ni Lata waimwe ali mu igulu tayenda waire mulala ku bato bano azikirire [yononebwa oba obulire irala].”**

—Matayo 18:14

Tinsonga ki kyoli, gha yooba, Yesu akwendha era yaku-firira. Yesu ayendha omukwano gwo inho. Osobola okulaga omukwano gwo eri Yesu nga omugondera.

**“Oba nga mungonza, mugemenga ebiragiro byange.”**

—Yoanne 14:15

**N'omwana omuto by'akola byoleka ki ky'ali.**

—Ensambo 20:11

## **24 OZUULA OTYA ENGIRA YO EKUTUUSA EWA KATONDA**

**1. *Ikiriza nti oli mwonooni* (Bona omuzingo ogw ‘omusanvu’).**

**Boonaboona baayonoona, baalemwa okutuuka ku  
kitiisa Katonda kye yabategekera.** —Ab'e Roma 3:23

**2. *Idha eri Katonda nga obita mu Yesu Kurisito.***

**Kuba ghaligho Katonda mulala ati, era oyo agemagna  
abantu ni Katonda ali mulala, n'oyo Omuntu Kurisito  
Yesu.** —1 Timotheo 2:5

**Era olw'ensonga eno, kyava asobola okulokolera irala  
ekiseera kyonakyona abo abaidha ye Katonda nga babi-  
ta mu mwene.** —Abaheburayi 7:25

**Yesu yakoba, “Aliidha ye ndi ate buli aidha ye ndi tija  
kumubingira ku luya.”** —Yoanne 6:37

### **3. Wenenie ebibi byo.**


(Okwenerenia kitegeeza okwesonigha okwonoona).

**“Kale mwenenie, mukyuke memale ebibi byaimwe bisoniyibwe.”** —Ebikolwa 3:19

Musengwa talwisaagho kutuu-kiriza kye yasuubiza ng'oti n'abandi bwe balowooza. Aye abaguminkiriza kuba tayenda naire muntu mulala ati kuzikirizibwa. Ayendaabantu boonaboona beenenie, bave mu bibi byaibwe. —2 Petero 3:9

### **4. Yatula ebibi byo ye Yesu.**

(Okwatula kitegeeza okukoba oba okwikiriza.)



- 26** Aye bwetwatula ebibi byaife, oyo omwesigwa era ow  
‘amazima atusonigha ebibi byaife era yaatunaazaaku  
byonabyona ebitali bituufu.
- 
- 
- 
- 

**5. *Kyagha ebibi byo.***


(Okukyagha kitegeza okughanika n'obivaaku.)

**Ole akweka ebibi bye, ebintu tibiidha kumujiiranga  
bukalamu, aye ole abyatula era n'atabiiramu, Katonda  
alimusaaasira.**

—Ensambo 28:13

**Lekera agho okukola ebibi, okole ebikalamu, oidha kuba  
ku nsi ebyanda n'ebyanda.**

—Zabbuli 37:27



Mwalokolebwa Iwa kisa  
kyा Katonda mu kwikiriza  
tikyava mu maani gaimwe,  
aye kyali kirabo kya  
Katonda. Tikyava mu biko-  
Iwa byaimwe, ghalobe ku-  
baagho yeetuusa.

—Ab'e Efeso 2:8, 9

## **6. *Ikiriza mu Yesu Kurisito.***

**Kuba bw'oyatula n'o-  
munwa gwo oti Yesu ni  
Musengwa, n'oikiriza mu  
mwoyo gwo nga Katonda  
yamuzuukiza, olirokolwa.**

—Ab'e Roma 10:9

**“Ikiriza Musengwa Yesu  
oidha kulokolebwa, iwe  
n'ab'omu ndhu yo boona-  
boona.”** —Ebikolwa 16:31

**28 7. Wetwalire Yesu Kurisito mu mutima gwo ni mubulamu bwo.**



Kyoghanga okukola kyonka n'okwigula olwigi ly'omutima gwo era wayaniriza Yesu okwingira munda. Yesu yakoba, "**Ndi ku Iwigi nhemereire, nkunkona. Awulira amamiro gange n'aigulagho olwigi, ndingira omumwe naalya naye.**" —Okwolekebwa 3:20

**Aye abo abaamusangaalira era abaamwikiriza yabagha obukumu okufuuka abaana ba Katonda.** —Yoanne 1:12

# ENGALAGA Y' OKUSABA

29

Bwobanga tosabangaku era nga oyenda okuyambibwa mukusaba,  
osobola okunonereza ensaba eri ghansi nga engeri y' okugalaga.



**Ayi Musengwa Yesu,  
Webale kuffa kumusalaba n'oto-  
lagho ebibi byange. Nsonigha  
olw' ebibi byonabyona byenkoze.  
Nkusaba nti bambi ingira mu muti-  
ma gwange era obe mu mutima  
gwange luberera. Ndikukwesiga mu  
buti osobole okutukuza omutima  
gwange. Nkutwala osobole okuba  
omulokozi era mukama wange.  
Mulina Iyo nsabye, Amiina.**

## **30 BWOBA NI YESU MU MUTIMA GWO, OBA N'OBULAMU OBUTAWAAWO**

**Katonda yatugha obulamu obutawaagho era obulamu obwo  
buli mu Mwana we. Oyo ali ni Mwana.** —1 Yoanne 5:11, 12

**“Kiisi awulira kibono kyange n'aikiriza oyo eyantuma, ali  
n'obulamu obutawaagho era taja kusalirwa musango, aba  
amaze okusomoka okuva mu kufa okungira mu bulamu.”**

—Yoanne 5:24

Omubiri gwo bwegufa, oli butoola ni Musengwa (2 Ab'e Korintho 5:8). **Ekyama ekyo ni Kurisito ali mu imwe era eisuubi ery'eki-  
tiisa ekiri kwidha** (Ab'e Kolosai 1:27).

Bwobanga osabye Yesu okusonigha ebibi byo, era waikiriza Musengwa Yesu Kurisito nga omulokoziwo, ghandiika erina lyo ghansi:

---

# GHEKUMIRA OTYA MU KUNONEREZA YESU 31



Soma enhiriri okuva mu Baibuli (Ekibono kya Katonda) buli lunaku era obikweke mu mutima gwo nga weidhukania enhiriri edhendhawulo edhikuyamba. (Nhingi dhiri mu katabo kano akatono.)

**Ebyaghandiikibwa byona-byona byava mu buyinza bwa Katonda era bya muganhulo mu kwegeresa, mu kunenia, mu kugondhoola ebidobaine, ni mu kugalagira omuntu abe mutuukirivu.**

—2 Timotheo 3:16

## YOGERA NI YESU MU KUSABA EKISEERA KYONAKYONA



**Webaze Yesu** olw' ebintu ebirungi byonabyona mu bulamu. Musaake olw' ebintu byakukoleire era n'okulokola omwoyo gwo.  
**Sabira ekyetago kyonakyona kyoyenda.**  
 Saba mulina lya Yesu.

**Ekitugumya nga tuli mu maiso ge ni kino**  
**nti kiisi kye tumusaba kasita kiba mu kwendwa kwe, atuwulira.** —1 Yoanne 5:14

**“Lata alibagha kyonakyona kye mulisaba**  
**mu liina lyange.”** —Yoanne 16:23

**...Era musabiraganenga....**

—Yakobo 5:16

**“Mugonzanga abazigu baimwe, era mu-**  
**sabiranga abo ababakiriga.”** —Matayo 5:44

## **SAALA YESU GYEYASOMESA ABAGOBEREZI BE**

33

(Omugoberezi n'omuntu anonereza Yesu.)

Yesu yakoba abagoberezi be okusabanga mu ngeri eno:

**“Iseife ali mu igulu, eriina lyo litiibwe. Obwakyabazinga bwo bwidhe. By’oyenda bikolebwe mu nsi nga bwe bikolebwa mu igulu. Tughe leero emere yaife eyabuliidho. Tusonighe ebibi byaife, nga bwe tusonigha abatukola ebibi. Totutwala mu kulebwa, aye tulokole mu bubi. Amiina.”**

—Matayo 6:9-13

Saala eno erin'okufumintirizibwa ku. Abaikiriza batera okusaba saala eno ghalala mwilobozi eryomwanguka.

## **34 AMATEEKA EIKUMI AGA KATONDA GATUSOMESA ENGERI Y'OKUBAAGHO**

(Okuva ensuula 20)

***Aana Agasoka Gagemagana Ku Mukwano Gwaiffe  
Eri Katonda***

1. “Mutasinzanga katonda wundi okutoolaku nze.”
2. “Muteekoleranga kibaadhe oba kiwumbe eki-faanana ekintu kyonakyona ekiri ghaigulu ku igulu.... Ebintu ebyo mutabisinzanga.”
3. “Mutakozesanga liina lyange nze Musengwa Katonda waimwe mu bya matamatama.”
4. “Muteerabiranga kukuza lunaku Iwa Sabbato nga lutukuvu.”

***Omukaaga Agasembayo Gagemagana Ku Mukwano  
Gwaiffe Eri Omuntu***

## **AMATEEKA EIKUMI (GEEYONGERAYO) 35**

- 5. “Balata baimwe ni bainhaimwe mubaghenga ekitiibwa.”**
- 6. “Mutatemulanga.”**
- 7. “Mutayendanga” (Obwenzi ne' kyobukaba ekitesi-ganganwa eri omusadha oba omukazi.)**
- 8. “Mutaibanga.”**
- 9. “Mutaghanga ku muntu budhulizi bwa bulimba.”**
- 10. “Muteegwanizanga ndhu dha bantu bandi. . . oba ebintu byaibwe ebindi byonabyona.”**

**OKUGONDHERA KATONDA KULEETA  
OKWIRIBWAMU ERI SAALA DHAIFFE**

**Era kiisi kye tumusaba tukifuna, kuba tugema ebiragiyo bye era bye tukola bimusangaaza. —1 Yoanne 3:22**

## **36 AMATEEKA ABIRI AGASINGA BUKULU**

*Okugonza eri Katonda*

1. Yesu yaamukoba ati: “ ‘Ogonzanga Musengwa Katonda wo n’omutima gwo gwonagwona, n’omwoyo gwo gwonagwona, n’okutegeera kwo kwonakwona.’ Kino n’ekiragiro ekisooka era ekisinga.”

—Matayo 22:37, 38

*Okugonza eri Omuntu*

2. “Ekyokubiri kifaanana ng’oti n’ekyo: ‘Ogonzanga muntu mwino nga bwe weegonza mwene.’ ” —Matayo 22:39

Amaghango eikumi gonagona (olupapulo 34 ni 35) gongeirwa mu maghango abiri agasinga bukulu.



# KUGONZA NELISINGIRAIRALA BUKULU 37

**Ekisingira irala bukulu “n'ensuula kugonza”**

(1 Ab'e Korintho 13:1-8, 13)

**¹Ni bwe ndhogera enimi edh'abantu n'edha bamalaika, aye nga tigonga bantu banange, mba ng'oti n'endege edhiwoloma, oba endongo edhiwaala.** **²Era ni bwe mba n'amaani ag'obulanzi, ni ntegeera ebyama bya Katonda byonabyona, era ni mmanha ebintu byonabyona, era ni bwe mba n'okwikiriza okusobola okusimulagho ensozi, aye ni mba nga tigonga bantu banange, tiba na muganhulo.** **³Ni bwe mpaayo ebyange byonabyona okuliisa abanaku, era ni bwe mpaayo omubiri gwange okwokebwa ghazira kye nganhulwa, bwe mba nga tigonga bantu banange.** **⁴Omuntu agonza baine aba n'okuguminkiriza,**

**38** n'ekisa, taba na nsaalwa, tiyeebona yenka era  
tiyeesaaka mwene,<sup>5</sup>tiyeebisa bubi, taba wa nkikidi,  
tasungughala mangu era tiyeegemerera.<sup>6</sup>Agonza baine  
tasangaalira kibi, aye asangaalira mazima.<sup>7</sup>Agonza  
baine agumira ebintu byonabyona, tairirira mu kusuubi-  
ra, era aguminkiriza ebintu byonabyona.<sup>8</sup>Eby'obulanzi  
birikoma, okwogera mu nnimi kulikoma, n'okumanha  
kulikoma, aye okugonza tikuliwaagho.

<sup>13</sup>Mperaano ghaligho ebintu bisatu: okwikiriza, okusu-  
ubira n'okugonza aye ekisinga bino obukulu, kugonza.

### KATONDA NI KUGONZA

Katonda aba kugonza, era yeenayeena aba mu kugo-  
nza aba mu Katonda era ni Katonda yaamubaamu.

—1 Yoanne 4:16

# YESU AYENDA IWE OKAKASE ABAANDI

39



(ghaka, kwisomero, ku  
kanisa, woonawoona)

**Yesu yakoba, “Ja eka  
ye ab'ewaimwe oba-  
kobere Musengwa  
by'akukoleire n'ekisa  
ky'akulaze.”**

—Mariko 5:19

## **40 OTEGERA OTYA OMWANA GHA KATONDA**

**“Kiisi muntu bw'agonzanga mwine, ku ekyo abantu boona-boona kwe balimanhira nga muli beegeresebwa bange.”**

—Yoanne 13:35

**Aye Mwoyo aleeta kugonzania, kusagamba, kwisania, kuguminkiriza, kisa, kubisa bandi bukalamu, kwesigibwa, buwombeefu, na kwefuga.**

—Ab'e Galatia 5:22, 23

## **OMWANA WA KATONDA OWAMAZIMA ASONIGHA ABANDI**


**“Bwe munaasonighanga abantu ebibi byaibwe Iseimwe ow'omu igulu mwena anaabasonighanga ebibi byaimwe.**

—Matayo 6:14

## **EBINTU KATONDA BYAAKYAGHA**

**Okwebona ng'owa ghaigulu, okuba omuguya, okutemula abantu abaziraku musango, okuba n'omwoyo ogutegeka enkwe, okuba n'ebigere ebyanguyiriza okukola ebibi, okugha obudhulizi obw'obuguya, n'okusiikuulira abantu abali aghalala ebizibu.**

—Ensambo 6:17-19



Ebikolwa by  
'omubiri

Emirimo  
gy' omubiri

## EMIRIMO GY' OMUBIRI:

41

Okwenda, obudankaanu, okughemula, okusinza ebitali Katonda, okuloga, enzigu, okukanamuka, ensaalwa, okudhuunadhuuna, okwebitiriza, okuba n'obutaisania, okweyawulamu, okweyendeza eby'abandi, okutamiira, okwemalira mu bibinuko, n'ebindi ebiri ng'oti n'ebyo. Mbalabula ng'oti bwe nababalulaku eira, nti abantu abakola ebintu ebyo tibaliba na mugabo mu Bwakyabazinga bwa Katonda.


—Ab'e Galatia 5:19-21

...oba abakazi abadankaana ni bakazi banaibwe,.... Era ghazira baibi, oba ab'amairu. —1 Ab'e Korintho 6:9, 10

## LEKA YESU AKWIDHUZE N'OMWOYO WE ERA AKUFULE MUYONDHO

Era abandi ku imwe mutyo bwe mwali, aye mwanaazibwa mwafuulibwa bantu ba Katonda era abatuufu eri Katonda, mu liina lya Musengwa waife Yesu Kurisito, ni mu Mwoyo wa Katonda. —1 Ab'e Korintho 6:11

## 42 GEYENA KITUFU EKIFO EKYO KIRIYO



(Soma Luka 16:19-26.)

Kola obwezizinge obo-neke nga wesiga Yesu Kurisito. Aidha kuta erina lyo mukitabo ky'obulamu.

**Era kiisi muntu eya-yagaanibwa ng'erii na lye tiryaghandiikibwa mu kitabo kya bulamu, yaasuulibwa mu nhandha ey'omuliro.**

—Okwolekebwa 20:15

## **YESU NENGIRA YONKA EKUTUUSA 43 EWA KATONDA**

**Katonda yatugha obulamu obutawaagho era obulamu  
obwo buli mu Mwana we.** —1 Yoanne 5:11

**Empeera y'ekibi kufa, aye ekirabo kya Katonda  
n'obulamu obutawaagho bwe tufuna mu Kurisito Yesu  
Musengwa waife.** —Ab'e Roma 6:23

**Oyo aikiriza Mwana ali n'obulamu obutawaagho aye  
aloba okwikiriza Mwana taja kufuna bulamu, era aja  
kusigala ng'abonerezebwa Katonda.** —Yoanne 3:36

**Yesu yaamwiramu ati: “Ninze engira, ninze amazima,  
era ninze obulamu. Ezira atuuka ye Lata okutoolaku  
ng'abise mu nze.”** —Yoanne 14:6

## EIGULU KITUFU LIRIYO



Mu kwolekebwa kwa Yokana mu kitabo Okwolekebwa 21 yabona eigulu eiyaaka n'ensi empyaaka.

**“Alibeeya amaziga goonagoona mu maiso. Ghaliba tighakaali kufa, kugegenga oba kuli-ra, oba obulumi. Kuba olwo eby'eira biriba nga byawaagho.” Agho eyali atyaime ku kityamo eky'obwakyabazinga yankoba ati: “Bona! Ebantu byonabyona mbiiza buyaaka.”**

—Okwolekebwa 21:4, 5

Yokana era yabona ekibuga ekitukuvu, Yerusalemu empyaaka, nga eika ghansi okuva eri Katonda owo mwigulu. **Aye ekibuga kyene nga kya zaabu omukenenule, omutangaavu ng'oti kirawuli. Omusingi ogw'ekimante eky'ekibuga nga gutoneibwatoneibwa n'amabaale ag'omughendo aga buli nsambo.**

—Okwolekebwa 21:18, 19

## **YESU EIZEYO OKUTEGEKA AMAKA 45 GAABO BONABOONA ABAMWIKIRIRIZAMU**

**“Mutabanga beeraliikirivu mu myoyo gyaimwe. Mwikirize Katonda, zeena mundhikirize. Mu ndhu ya Lata wange mulimu ebifo kamaala era ndi kuja kubategekera kifo. Nguli ti bwe kiri tyandibakobeire kino. Bwe ndimala okuja n'okubategekera ekifo ndiira naabatwala ye ndi, mwena mwaba ghe ndi.”**

—Yoanne 14:1-3

## **KOBERA ABANDI AMAWULIRE GANO AMALUNGI**

**Yesu yakoba, “Muje mu nsi yoonayoona mukobere ebitonde byonabyona Amawulire Amalungi.”**

—Mariko 16:15

**Aye omuntu akola eby'obukambwe azikiriza obulamu.**

—Ensambo 11:30

## EBISUUBIZO BYA KATONDA ERI ABAANA BE

**“Tirikuvaaku naire era tirikulekulira agho naire.”** —Abaheburayi 13:5

**Kuba aliragira bamalaika be baakulabirira, nga baaku-kuuma buli gh'ojā.** —Zabbuli 91:11

**“Era ghazira asobola kudhimuswankulaku.”** —Yoanne 10:29

**“Era mwidhukire nga nze ndi n'imwe enaku dhoo-nadhoona okutuusa ku nkomerero ey'ensi.”**

—Matayo 28:20

**“Otatyā ebyo ebizibu ebiri okumpi okuku-tuukaku. . . . Weekalangulire mu kwikiriza okutuusa okufa, ndikugha obulamu ng'ekirabo eky'obughanguzi.”** —Okwolekebwa 2:10

**Waire tuli mu nzikiiza buti, Musengwa Katonda aidha kutugha obutangaavu.** —Mika 7:8

**“Bw'onandheta nze Musengwa Katonda.”** —Yeremia 33:3



# YESU ERA ALIKWIRA

47

*Buli kiisi muntu yenayena ali zuukira okuva mu bafu.*

**“Abali mu magombe boonaboona mwe baliwulirira eiroboozi lye, era ni bavaamu. Abo abaakolanga obulungi balizuukira okufuna obulamu ate abaakolanga obubi balizuukira baasilirwa omusango okubasinga.”**

—Yoanne 5:28, 29



*Abafira mu Kurisito na' balisooka okuzuukira. Memale ife abalamu, abaliba bakaasi-gairegho twatwalibwa ghalala nabo mu bire okwagaanana ni Musengwa mu ibbanga. Era olwo tubenga eyo ni Musengwa buliidho.*

—1 Ab'e Thessalonika 4:17

**“Mwekuume, mumoge kuba timwidhi kaseera!”**

—Mariko 13:33

## YESU ALIDHA ATYA?



**“Bona, wuuyo aliidhira ku bireri! Abantu boonabooona balimubona.”** —Okwolekebwa 1:7

Mwekume abalanzi abaguya ni ba Kurisito abaguya. “Agho ni bweghabaagho abakoba ati, ‘Bona, Kurisito wuuno’ oba ati, ‘Wuule.’ Mutaikirizanga. Kale ni, bwe bakoba bati, ‘Kurisito ali mu irungu,’ timujangayo oba bati, ‘Wuuno, ali mu kisenge,’ mutaikirizanga.”

—Matayo 24:23, 26

## YESU ALIDHA MANGU MU BIRE EBYO' MWIGULU

“Kuba ng’olukuba bwe lumyansa okuva ku luuyi olw'e buvandhuba ni lutuuka ku luuyi olw'e bugwandhuba, n’okwidha kw’Omwana w’Omuntu kutyo bwe kuliba. ... abantu boonabooona ab’oku nsi balikuba empungu, nga babona Omwana w’Omuntu aidhira mu bire eby’omu igulu n’amaani, n’ekitiisa ekinene.”

—Matayo 24:27, 30

## **ZABBULI Y'OMWAYI**

**(Zabbuli 23)**

**<sup>1</sup>Musengwa Katonda n'omwayi, nze ndi ntaama ye era nzira kye ndhulirira.** <sup>2</sup>Aghali eisubi eirungi, gh'andeka okuwuumulira, era antwala aghali amaadhi amalaavu. <sup>3</sup>Omwoyo gwange agwizaamu amaani, yambisa mu ngira edh'obutuufu, nga bwe yasuubiza.

**<sup>4</sup>Era ni bwemba nga ndi kutambulira mu kikonko ekiidhwire enzikiiza etiisa ng'oti kufa, ezira kibi kye ntyamu, kuba iwe oli ninze. Mpulira emiraala bw'oba ng'ogemye omwigo gwo ogunkuumma, era ng'ogemye n'ogwo ogundholeka engira.**

**<sup>5</sup>Ongegekera embaga wantyamya, ng'abazigu bange babona. Wanfuula omugeni ow'ekitiisa ng'onsiiga omuzigo ogw'akawoowo, wampa eby'okunhwa okutuusa ku nkooye.**

**<sup>6</sup>Bwenebwene olw'okungonza kwo n'olw'okunsaasira kwo, oidha kubanga ghalala ninze, enaku dhoonadhoona edh'obulamu bwange. Era nga nkaagheeragho tija kuvanga mu ndhu ya Musengwa Katonda.**

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**

Kabwerere — tikakutundibwa

[www.wmpress.org](http://www.wmpress.org)

8-20

Read booklets online or by App  
[www.wmp-readonline.org](http://www.wmp-readonline.org)  
2325 Lusoga WTG

